



**Ordinantie ende placcaet 'sConinghs ons gheduchts Heeren,  
waer by van nieuws verboden wort, dat niemant van wat state,  
qualiteyt of condicie hy zy, hem vervoirdere te poste te rijden  
of loopen, den posthoren te draghen, oft by nachte de selve te  
blasen oft steken, ten ware &c. ooc dat hem niemant  
vervoirdere &c. op de boete ende amende, telcke reyse van C.  
Carolusguldenen, boven de &c.**

<https://hdl.handle.net/1874/8913>

15  
7/9

# ORDINANTIE ENDE

## Placcaet sConinghs ons ghe-

duchts Heeren, waer by van nieuws

verboden wort, dat niemant van wat state, qua

liteyt oft condicie hy zy, hem en vervoirdere

te poste te rijden oft loopen, den posthoren te draghen,


oft by nachte de selue te blafen oft steken,

ten vware &c. Ooc dat hem nie-

mant vervoirdere &c.

Op de boete ende amende, telcke reysē, van

C. Carolusguldenen, bouen de &c.



Te Ghendt,

By Ian van den Steene d'aude, wonende op  
Sinte Pharahilden plaectē. Anno 1566.

Cum gratia, & priuilegio.

COPIE.  
By den Conijngh.

**O**NS EN lieuen ende ghetrouwé, die President, ende luyden van onsen Rade in Vlaenderen Saluyt ende dilectie.

Al eest zoe, dat volghende de Placcaten ende Ordinancien voirtyden, des haluen ghemaectt ende ghepubliceert, verboden is op zekere penen daertoe ghestelt, allen en eené yghelicken, van wat state, qualiteyt oft conditie zy zijn, te poste te rijden oft loopen, den posthooren te draghé, oft by nachte den zeluen te blaten oft steken, in onsen landen van herwertsovere, ten ware dat de selue by ons, oft by onse seer lieue ende seer beminde zusters, die Hertoghinne van Parme ende van Plaisance, voor ons Regente ende Gouvernatein onse voorseyde landen van herwertsovere, oft by onsen stadthouders ende Gouverneurs affgheveerdicht ende ghesonden zijn, oft dat zy van onsen Postmeester oft zinen ghecōmitteeden bescheer ende teecken hadden: Des noch tans niet ieghenstaende is tot onser kennissen ghekommen dat vele particuliere persoonen, zoo wel coopluyden als andere, hen vervoirdert hebben, ende noch daghelicx vervoirderen te poste te rijden oft loopen, doen rijden oft loopen, den posthooren te draghen, ende by nachte ende ontijden de poorten van onse steden te doen openen, zulx dat by diē middel vele duer tlandt rijden ende passeren, zonder bekēt te wesen, daer duere eenighe zorchlicke aenflaghen en practijken, teghens ons, onse landen ende onderaten beleydt ende voortghestelt souden moghen worden, indien daer in niet verhoert ende gheremediert en worde.

**S**O O E E S T, dat itelste aenghemert: wy om dese ende andere redenen ons daer toe beweghende: Vontbieden ende bevelen by desen, dat ghy teritondt ende zonder vertreck, ander verhoeren doet kundighen, vuyt roepen, ende publiceren, alomme binnen den steden ende plaetsen van

onsen lande en Graeffchepe van Vlaenderen, daermen ghe  
 woonlick is vtroepinghen ende publicatien te doene: En  
 van onsen wegghen van nieuws verbieden ende interdicerē  
 wel ernstelicken, dat niemant van wat state, qualiteyt oft  
 conditie hy zy, hem en vervoirdere aldaer te poste te rijden,  
 ofr loopen, den posthoren te draghen, oft by nachte den sel  
 uen te blafen oft steken, ten ware dat die by ons, onse voirs  
 sustere die Hertoghinne, Regente, oft onse stadhouders en  
 Gouverneurs, oft andere onte Officiers, om onse zaken en  
 affeeren afgheveerdicht zy, oft dat hy van onsen voirs. post  
 meester oft zynen ghecommitteerden bescheet ende teckē  
 hadde: Ooc dat niemant hen en vervoirdere by bezette, ver  
 anderinghe van peerden, couriers oft postghewijse eenige  
 briefuen oft pacquetten buyten onse voirs. landen van her  
 wertsouere te zeynden, zonder were, oirloff ende briefuen  
 van passeport van onsen voirs. postmeester oft van zyne ge  
 committeerde, residerende ter plaetsen van daermen de zel  
 ue briefuen oft pacquetten souden willen zeynden: Op pe  
 ne voir ende teghens de ghene die rer contrariē doen zou  
 den, telcken reysen te vallen inde boete en amende vā hon  
 dert Carolusguldenen, bouen de verbuerte vanden peerdē,  
 d'een derdendeel daervan te bekeeren ende appliceren t'on  
 sen profijte, dander derdendeel tot profijte vanden aenbrin  
 gher, t'ware de voirs. postmeester, zynen ghecommitteerde  
 oft yemant anders, ende t'erde derdendeel tot profijte van  
 den Officier, die de calengieringhe ende executie daer van  
 doen sal: Ende de ghene die beuonden zouden worden an  
 ders dan voorseit is, ghereden oft gheloopē te hebbene, sul  
 len bouen de pene ende verbeurte voirschreuen, ghehoudē  
 ende gheacht worden ons ende den lande suspect, en ouer  
 zulcke ondervraecht, ende zoo verre des noot zy te bancke,  
 ende torture gheleyt, oft andersins arbitralick ghecorrigeert  
 worden, nae ghelegghenheit vander zaken. Ontbiedende  
 ende bevelende oick allen onsen Officiēren, wachten, ende  
 poortiers van onsen steden van herwertsouere, dat zy scher  
 pe ende zorchfuldighe toeficht nemen op alle de ghene die  
 te poste loopen, ende hen ouercommen zullen: op dat nie

mantaldaer en passere, ten zy dat hy bescheet ende teecken hebbe ende thoene van onsen postmeester, oft zinen gheco mitteerden, om te moghen duerlyden ende palleré: Lasten ende beuelende in ghelijcs den seluen onsen postmeestere goede ordene te stellen, ende zijnen ghecommitteerden, te ghebieden, niemande peerden te doen oft laten volghen, dan alleenlicken den genen die onse briefuen oft pacquerté oft van onsen stadthauders te draghen hebben, oft teecken ende bescheet hebbende vanden voorseiden postmeester of wefende van zulcke qualiteyt, ende zoe bekennt, datmen te ghens hen geen quade bemoedenisse oft suspitie en zoude kunnen hebben: Oppene indien daerinne ghebreck viele, van tselفة op hem oft zynen ghecommitteerden te verhalen. Ende tot onderhoudenisse ende obseruatie van onse ieghenwoordigh verbot, ende ordinantie, procedeert ende doet procederen, tegens den ouertreders, by executie vandē penen voirscreuen, zonder gunste dissimulatie oft verdrach. Des te doen e mit dieffer ancleeft, gheuen wy u volcommen macht, auctoriteyt, ende zunderlingh beuel. Ontbieden ende beuelen voirts allen onsen Rechteren, Iusticieren, Officieren, ende ondersatē dat zy u tselفة doende ernstelickē verstaen ende obedieren: want ons alsoe ghelieft. Ghegeuen in onser stadt van Bruessele, onder onsen contrefeghel hierop ghed ruft in placcate, den xxviiij. dagh van Septem. XV. Zessen tseftich. Onder stontd gheschreuen, *By den Conijnck in zynen Rade.* Ende gheteeckent *D'Overloepen.*

*Ghepubliceert in consistorie van mijne Heeren van den Rade in Vlaenderen, present Commissarissen, Aduocaten, Procureurs, ende diuersche andere bystanders, den vij. in Octobre 1566.*  
*By my* *P. Beuere*

**Typis G. Manilij.**